



Mai 2018

**GWYBODAETH BWYSIG I BOB CYSTADLEUYDD:
LLYTHYR GWYBODAETH / COD YMDDYGIAD / OFFER TRWM**

Annwyl Gyfaill

Mae'n bleser gen i anfon manylion atoch ynglŷn â threfniadau Eisteddfod yr Urdd 2018. Mae'r Eisteddfod yn argoeli i fod yn arbennig eleni gan y bydd yr ŵyl yn cael ei chynnal ar faes y Sioe Fawr yn Llanelwedd.

Hoffwn eich atgoffa na fydd yn bosibl i chi symud o'r ardal gefn llwyfan i mewn i'r Pafiliwn ei hun i wyllo cystadleuaeth. Dylai arweinwyr a rhieni benderfynu pwy fydd yn aros tu cefn llwyfan a phwy fydd yn y Pafiliwn. Bydd sgrin cefn llwyfan i weld y perfformiadau.

Cynghorir pawb i gyrraedd y meysydd parcio (gan ddilyn yr arwyddion) mewn da bryd er mwyn cyrraedd Maes yr Eisteddfod yn gynnar er mwyn osgoi unrhyw broblemau. Yn naturiol, mae ffyrdd i'r Eisteddfod yn brys ac erfyniwn ar gystadleuwyr a hyfforddwyr i adael digon o amser i gwblhau eich taith yn ddiogel a hamddenol.

Rhaid sicrhau eich bod yn cyrraedd y rhagbrawf yn brydlon **o leiaf 30 munud yn gynt** na'r amser a nodir yn eich amserlen. Disgwylir i chwi gofrestru gyda chlerc y rhagbrawf ac i fod yn barod i berfformio cyn yr amser penodedig os oes angen. Cedwir yr hawl gan yr Eisteddfod i addasu'r amserlen yn unol â'r galw ac **ni ellir cadw rhagbrawf yn agored i neb.**

Os ydych yn cystadlu mewn amryw o gystadlaethau gofynnwn yn garedig i chi ddilyn y drefn sydd yn eich amserlen a hefyd i dderbyn cyngor Swyddogion y Rhagbrawf ar y diwrnod er mwyn sicrhau hwylustod i bawb - i chi fel cystadleuwyr ac i drefniadau a rhediad hwylus yr Eisteddfod ei hun. Mae'n bwysig er lles pawb, bod cynllun synhwyrol i'ch taith o amgylch y rhagbrofion.

Bandiau Braich - Eisteddfod yr Urdd 2018

Bydd rhaid i unrhyw un (ac eithrio cystadleuwyr) sydd angen mynediad i'r ardal gefn llwyfan, a chefn y Neuadd Ddawns, gael bandiau braich. Mae hyn yn cynnwys hyfforddwyr, athrawon a rhieni. Mae modd i bob cangen gael hyd at 5 band braich. Bydd angen casglu bandiau braich o'r Swyddfa Eisteddfod ar ôl canlyniad y rhagbrawf. Mae bandiau gwahanol ar gyfer pob diwrnod.

Dogfennau eraill ar-lein:

- 1) Amserlen eich rhagbrofion
- 2) Côt ymddygiad ar gyfer cystadleuwyr
- 3) Offer Trwm
- 4) Trefniadau Trafnidiaeth Bws
- 5) Ffurflen gofrestru telyn (**erbyn dydd Mawrth 15 Mai**)

Diolch yn fawr ymlaen llaw am eich cydweithrediad a phob hwyl gyda'r cystadlu !

Aled Siôn

Cyfarwyddwr yr Eisteddfod



CÔD YMDDYGIAD AR GYFER CYSTADLEUWYR, HYFFORDDWYR, RHIENI A CHEFNOGWYR

Mae Urdd Gobaith Cymru yn disgwyl i gystadleuwyr, hyfforddwyr a chefnogwyr ymrwymo i ysbryd o chwarae teg yn holl weithgareddau'r mudiad.

Bwriad Eisteddfod yr Urdd yw sicrhau cyfle i aelodau'r Urdd gystadlu a pherfformio mewn cystadlaethau amrywiol a hynny o dan amodau ac ysbryd o chwarae teg, ac mewn awyrgylch gwbl ddiogel.

Ni ddylai oedolion ar unrhyw gyfrif:

- difrio cystadleuwyr eraill na'u cefnogwyr
- cweryla neu weiddi'n amharchus tuag at swyddogion yr Urdd nac unrhyw un arall a dylent annog eraill i beidio ag ymddwyn yn y fath fodd
- ymddwyn yn fygythiol neu ymosodol tuag at eraill yn gorfforol neu ar lafar
- beirniadu cystadleuwyr eraill yn gyhoeddus neu eu rhoi o dan bwysau annheg ac o dan lefelau annerbyniol o straen a gofid
- annog neu awgrymu twyllo
- ymddwyn mewn modd annerbyniol trwy ymyrryd a phoeni cystadleuwyr a chefnogwyr
- rhoi pwysau gormodol ar eu plant a phobl ifanc a'u beirniadu yn gyhoeddus
- cwestiynu yn gyhoeddus unrhyw benderfyniad gan feirniad neu swyddog yr Urdd. Dylid dilyn y drefn briodol wrth godi unrhyw gŵyn neu sylw

Dylai cystadleuwyr:

- parchu cystadleuwyr eraill a dangos chwarae teg i bawb
- cystadlu oddi fewn i'r rheolau
- parchu swyddogion yr Urdd, athrawon a chefnogwyr eraill gan dderbyn penderfyniadau beirniaid a swyddogion yn ddi-gwestiwn

Offer Trwm / Heavy Equipment

Os oes gennych offer sydd yn rhy drwm i'w cario i'r rhagbrawf fe fydd cerbydau ar gael i'ch cynorthwyo ger y Ganolfan Groeso. Os ydych eisiau cymorth, ewch i'r safle ymholiadau yn y Ganolfan Groeso.

Sylwer – Gadewch ddigon o amser er mwyn cyrraedd eich rhagbrawf, ac os gwelwch yn dda byddwch yn amyneddgar. Fe fyddwn yn disgwyl i un aelod (dim mwy na hyn) i fynd yn y cerbyd gyda'r offer er mwyn dadlwytho a chymryd cyfrifoldeb ar ddiwedd y daith.

Nid yw'r Urdd yn derbyn cyfrifoldeb am gyflwr yr offer wrth eu cludo.